

Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacræ Scripturæ, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De quarto, quinto, & sexto decalogi Præcepto II.
De septimo decalogi Præcepto. III. De octavo decalogi Præcepto. IV. De
Ecclesiæ Præceptis. V. De Sacramentis in genere & quibusdam in specie.
VI. De Pœnitentia. VII. De Matrimonio

Godeau, Antoine

Augustae Vindelicorum, 1774

Caput II. Pravis novorum Casuistarum ratiunculis respondetur.

[urn:nbn:de:hbz:466:1-53587](#)

Curum me arbitror, si Parochis meæ Diœcœsos
qua sit sequenda doctrina ostendam; capiosas-
que rationes, quibus novi Casuistæ sua paradoxa
queri conantur, valide refellam.

C A P U T II.

*Pravis novorum Casuistarum ratiunculis
respondeatur.*

Qui enormes recensitas opiniones circa homi-
cidium docent, eas tuentur Casuistæ ratio-
nibus, quas validas ipsi vocant; sed quæ, si
parumper discutiantur, non modo non christia-
no, verum nec homine dignæ reperiuntur.

Primum opinio, quæ docet, occidi posse ca-
lumniatorem, qui alterum de crimen accusat,
propter quod hujus vita, aut honor pericitatur,
si aliter calumnia repellere nequeat; hæc, inquam,
opinio a novo quodam Casuista vera *speculative*
vocatur, sed non *prætice* consulenda propter
incommoda, quæ sequi inde possunt; & semper
a vindictæ cupiditate esse cavendum.

Hæc distinctio illusoria prorsus est & falsa
alterius etiam Casuistæ judicio, qui recte ait, se
non intelligere quo pacto opinio aliqua specula-
tive sit probabilis, & non *prætice*, ita, ut ad
praxim deduci nequeat; siquidem *prætice* pro-
babilitatis certitudo a speculativæ probabilitatis
certitudine oritur, quæ inter se differunt velut
effectus a causa; & ideo solum homo juste vel
injuste agit, quia sic, non vero secus agere se
posse judicat. Et revera *judicium intellectus*

voluntatem dirigit, & veritas intellectui facem præfert. Si ergo alicui veram esse opinionem aliquam intellectus ostendat, quare voluntas hanc sequi non poterit; quodve in ea amplectenda peccatum patrabit? Coram Deo noꝝ peccat, qui veritatem sequitur; nam veritas Christianorum est norma. Porro quomodo veritatem ea contineat opinio, quæ homicidium permittit? Quomodo Iesu Christi doctrina hæc erit, qui discipulis suis ira præcepit: *Ora te pro persequentibus, & calumniantibus ut (Matth. 5.)?* Quantum ab homicidii permissione hoc distat præceptum? Illud quoque delendum esset Christi præceptum, quo jubet, ut nos in dextera maxilla percutienti & sinistram præbeamus: quod explicans sanctus Gregorius Nazianzenus ait: Verum Christianum paratum esse & tertiam maxillam præbere, si adesset. Conciliarine hoc potest cum illius nece, qui nos calumniatur, aut nobis alapam impegit? Frustra Dei Filius patientiæ nobis præbuit exemplum: *Qui cum malediceretur, non maledicebat; cum pateretur, non comminabatur: tradebat autem se judicanti injusie (I. Petr. 2.).*

Male Apostoli tot calumnias, injuriasque toleravere; & Christianos deceperunt, dum sic illos hortati sunt: *Nulli malum pro malo redentes. Non vosmetipſos defendantes, sed date locum iræ. Noli vinci a malo, sed vince in bono malum (Rom. 12.).* Debebant in suis epistolis hanc permissionem saltem innuere, nempe calumniatoris nece suum honorēm de-

sen-

fendendi. Magna ignorantia prisorum temporum Christiani laborarunt, qui hac non sunt usi exceptione. Doctrina sane & prudentia sancti illi Episcopi, qui tunc Ecclesiam moderabantur caruere; siquidem tam pulchram veritatem, iratisque hominibus tam commodam non excogitarunt. Concilia omnia, quae penas canonicas contra homicidas statuere, in casibus permisiss ab hisce novis Casuistis, magnis tenebris obruta fuere, dum tam severe actiones multa runt speculative permissas.

Hæc distinctio, ut diximus, inutilis est ad arcenda a Republica homicidia. Nam si sibi persuadet homo speculative verum esse, licere sibi calumniatorem, aut honorem suum lædenter interficere, numquid abstinebit a vindicta propter illa incommoda, quæ Reipublicæ possunt ex vindicta evenire? Obsequium legi Dei debitum, qui homicidium prohibet, & pena punit æterna, potest timorem incurere, & a se uincendo removere. Anne temporalia mala consideranda sunt, dum æternum imminet? Numquid civilibus legibus Christiani a crimine coercendi sunt, dum id ipsum Dei lex prohibet? Non timere Dei præceptum violare, sed humanam timere justitiam, si violetur, nonne hoc est Deo homines anteferre, & Regni edicta magis estimare, quam Evangelium?

Altera prava ratio, quam homicidii parroni allegant, in hoc est sita, quod propriæ defensionis jus ea omnia complectitur, quæ ad hominem illæsum servandum spectant. Hæc genera-

Iis regula cuncta fieri permittit, calumniari, & venenum iis præbere, a quibus aliquid nobis malum imminere suspicamur: hæc christianam patientiam destruit, legesque omnes everit. Litem quis habet, quam licet bonam tueri nequit, nisi falsis documentis utatur; illi igitur hæc fingere licebit.

In sui defensione certi sunt limites, quos Evangelium legesque præscribunt: quid defendendum sit oportet attendere; si enim de temporali tantum bono agitur, vitæ latronis id æquiparari non potest. Deus in Exodo prohibet furem occidere, qui orto sole furetur (*cap. 22.*) Duodecim Tabularum lex apud Romanos sic ait: *Diurnum furem occidi non licet, nisi se telo defendat;* & occisorem morte puniebat. Quomodo igitur Casuistæ ajunt, licere furem occidere, qui pretiosum quidpiam furetur, si res ablata secus nequeat recuperari? Ad Corinthios inter se litigantes ita scribit sanctus Paulus: *Quare non magis fraudem patimini (1. Cor. 6.)?* Tantum aberat, ut furem occidi permitteret. Ratio, quam afferunt, nempe neminem teneri sua bona perdere, christiano Doctore est prorsus indigna. Nonne jubet caritas, ut proximi vita pecunia aut supellecili, quæ a fure rapitur, antefatur? Si furem, dum tua rapit, occidas, nonne illum certo æternæ damnationis periculo exponis? Nec horrebit Casuista docere, spiritualem furis vitam vitæ nostræ corporali non esse ex caritate præferendam; imo neque honori, aut pecuniæ, quam alter injuste nobis auferre

nitur? Cum Judices furem juridice damnare, tempus illi concedunt, ut Pœnitentiæ sacramentum suscipiat: sanctus vero Augustinus respondet Macedonio, qui mirabatur tam sœpe Episcopos reis indulgentiam exorare, id ab illis fieri, ut æternum supplicium rei devitent; dum enim temporalis illis pena dimittitur, possunt reliquum vitæ spatium inter pœnitentiæ opera transligere. Quis absque horrore apud hunc Autorem legat, latronem occidi posse, qui rem quinque vel sex aureos æstimatam auferat; imo apud alterum, qui unum aureum assignat? Ergone hominis vita, pro quo Christus vitam suam tradidit, uno aureo æstimabitur? Ullane tam barbara natio vivit, quæ hominis vitam tantum æstimet? Quis umquam Ethnicus sic est locutus? Quæ civiles Leges hoc pretio hominis vitam taxant? Mortis supplicium homicidis iuste infligitur, quia nec argento hominis vita æstimari potest, nec argento redimi semel adempta; quare homicidium homicidæ morte est luendum (a).

Verum

(a) Huc istæ spectant ab Innocentio XI. damnatae propositiones: *Regulariter occidere possum furem pro conservatione unius aurei.* Est num. 31. *Nop solum licitum est defendere defensione occisiva, quæ actu possidemus: sed etiam ad quæ jus inchoatum habemus, & quæ nos possessuros speramus.* Num. 32. *Licitum est tam hæredi quam legatario contra injusle impedientem ne vel hæreditas adestur, vel legata solvantur, se taliter defendere, sicut & jus habenti in cathedralm, vel præbendam contra eorum possessionem injusle impedientem.* Num. 33.

Verum quemadmodum opes homicidio tueri non licet, ita nec honorem; & male arguit, qui sic ratiocinatur: Honor plus quam vita affirmandus est; aggressoris morte vitam tueri licet; ergo qui alteri honorem auferre nititur, potest occidi.

Statuere prius oportet, quid sit honor. Profecto hominis christiani honor verum ac stabile bonum esse debet, non falsa hominum opinio, quæ corruptæ rationi, & pravæ consuetudini innitatur. Honor est virtutis præmium, quod semper constans & æquale suapte natura est. Porro honor, quem mali isti Casuistæ & lumniatoris nece defendere licitum esse affirmant, in prava solum hominum opinione consistit, qui nullam injuriam perferre decreverunt, sed illas ulcisci aut duello, quemadmodum nobiles Galli solebant, aut proditione, sicut Itali solent. At ipsimet Ethnici, saltem doctiores, in dimitendis injuriis hominis honorem situm esse arbitrati sunt, hominisque esse magnanimi illarum oblivisci. Evangelium, quod unum Christiani hominis honorem definire potest, maledicentibus benedicendum esse pronunciat. Sancti Ecclesiæ Doctores eamdem tradunt doctrinam, & in falso mundi honorem declamat, qui illusio est & inventio diaboli, qui fuit homicida ab initio. Non populi aut stultorum judicium attendendum est, sed prudentum. In quanam orbis aula nobilitate excidisse prudentes hominem putent, qui pomum rapienti cedat, nec illum occidat? Quænam sunt Imperia, Principatus,

patus, aut Respublicæ, in quibus, qui alterum ex hac causa occiderit, velut homicida non puniatur? Hic igitur propter crimen, non propter illustrem actionem puniretur. Nullum pravum opus nobilis patrare debet, ex quo infamia oriatur, in bello exempli causa fugere non debet, nec militare ullum opus recusare, quamvis periculosum: hoc pacto sancti Patres & Leges honorem suum tueri permittunt. Quod si a gladiatorib[us] vitupereretur, quia duellum vir nobilis detrectat, hos clamare sinat, & sapientibus placere illi sufficiat, & Regi, qui duel lum prohibuit. Quod de milite diximus, idem dicit de Magistratu, aut privato homine, qui nullum malum opus patrare debet, nec proximo suo scandalum præbere; quod si propterea irridetur, aut contemnitur, patienter ferat, & conscientiæ suæ testimonio contentus sit. Id in epistola sua quadragesimaquinta docet sanctus Gregorius Magnus, cuius hic verba afferre libet: *Quid si homines laudant, & conscientia accusent. Aut quæ debet esse tristitia, si omnes accusent, & sola conscientia nos liberos demonstret?* Habemus Paulum dicentem: *Gloria nostra hæc est, testimonium conscientiae nostræ;* Job quoque dicit: *Ecce in cælo testis meus, Si ergo nobis testis est in cælo, testis in corde, dimitte stultos foris loqui quod volunt.* Quid aliud detrahentes faciunt, nisi in pulverem sufflant, atque in oculos suos terram excitant, ut unde plus detractionis perflant, inde magis nihil veritatis videant? Vocandi sunt tamen isti, tranquille admonendi, eisque satisfieri modis omnibus decet,

decet, scientes quod de eis veritas dicit: Ne scandalizemus eos (*Hom. 9. super Ezech.*). Sed juxta Casuistarum horum nos arguentium doctrinam calumniatores oportet occidere, non autem illos vocare, & tranquille admonere (a).

CAPUT

(a) Injuriæ, aut calumniæ maculas calumniatoris sanguine abluere Christianam mansuetudinem decet, sive dein levis, sive gravis ejusmodi injuria fuerit. Huic enim malo non nisi revocatione vel spontanea, vel judiciali coacta ferri medela potest. Quodsi nec hæc, nec illa possit obtineri in patientia sustineri debet, ad imitationem illius, qui in crucem actus, contumeliis lacesitus Patrem pro inimico exoravit populo. Sane si mundani homines dictoria, calumnias &c. ceu crucis non tam in terra a malitiosis hominibus factas, sed e cœlo in suorum peccatorum penam, aut meritorum augmentum sibi immisces apprehenderent, si Deum summe Justum, Providum, & Misericordem saepius cogitarent, ad ipsum magna fiducia cum Regio Psalte in tribulatione clamarent, jam nulla amplius ad productiones, & homicidia confugiendi appareret necessitas. Ast, inquis, irreparabilis est hæc famæ, honoris &c. jactura, nisi calumniator medio tollatur: remedium igitur istud licet erit. Inepta prorsus hæc illatio est. Edic sodes: An non irreparabilis est vitæ jactura, quam puella, si stupratori non consentiat, subeundam prævidet? Ideone licite stuprum eliget, ut vitam redimat? Idem omnino argumentum de hæresi, blasphemia & apostasia posset formari. Sed quid multis damnatas dudum opiniones persequor. Duas, quas Alexander VII. præscripsit, ipseinet Auctor supra (pag. 38.) in textu recenset. Hisce duæ aliæ accedunt, quarum upam